



Program Pengajian  
Lepasan STPM / SETARAF  
**DIPLOMA / SETARAF**




KEMENTERIAN  
PENDIDIKAN  
MALAYSIA

**JPT**

JABATAN  
PENDIDIKAN  
TINGGI

# PEKELILING KEMASUKAN KE UNIVERSITI AWAM

SESI AKADEMIK 2019/2020



Bahagian Pengurusan Kemasukan Pelajar  
Jabatan Pendidikan Tinggi  
Kementerian Pendidikan Malaysia  
Aras 4, No.2 Menara 2, Jalan P5/6  
Presint 5 Pusat Pentadbiran Kerajaan Persekutuan  
62200 Wilayah Persekutuan Putrajaya

## ISI KANDUNGAN

<b>1. PENYELARASAN PENGAMBILAN .....</b>	<b>3</b>
Program Pengajian di UiTM .....	3
<b>2. PEMBELIAN NOMBOR UNIK ID.....</b>	<b>4</b>
<b>3. e-PANDUAN .....</b>	<b>5</b>
Syarat Am Kemasukan .....	5
Syarat Khas.....	7
<b>4 PERMOHONAN .....</b>	<b>7</b>
Kategori Permohonan .....	8
Sah & Hantar.....	10
Semakan Permohonan .....	10
Kemaskini Permohonan .....	10
<b>5 PEMROSESAN &amp; PEMILIHAN .....</b>	<b>11</b>
Dasar & Kriteria Pemilihan .....	11
Proses pemilihan jaya .....	11
<b>6 HEBAHAN .....</b>	<b>12</b>
Surat Tawaran.....	13
<b>7 RAYUAN .....</b>	<b>14</b>
<b>8 TARIKH-TARIKH PENTING .....</b>	<b>15</b>

---

# Dasar dan Prosedur Kemasukan ke Program Pengajian Ijazah Pertama UA Bagi Program Pengajian Lepas STPM/Setaraf (Kategori Diploma/ Setaraf) Sesi Akademik 2019/2020

---

## 1. PENYELARASAN PENGAMBILAN

- 1.1 BPKP JPT menyelaraskan **permohonan, pemprosesan dan pemilihan** kemasukan ke Program Pengajian Lepas STPM/Setaraf di **20 buah UA** bagi **Ambilan September** sahaja seperti berikut :-

### 20 Universiti Awam (UA)

1. **Universiti Sains Malaysia (USM)**
2. **Universiti Malaya (UM)**
3. **Universiti Kebangsaan Malaysia (UKM)**
4. **Universiti Putra Malaysia (UPM)**
5. **Universiti Teknologi Malaysia (UTM)**
6. **Universiti Teknologi MARA (UiTM)**
7. **Universiti Islam Antarabangsa Malaysia (UIAM)**
8. **Universiti Malaysia Sabah (UMS)**
9. **Universiti Malaysia Sarawak (UNIMAS)**
10. **Universiti Utara Malaysia (UUM)**
11. **Universiti Pendidikan Sultan Idris (UPSI)**
12. **Universiti Tun Hussein Onn Malaysia (UTHM)**
13. **Universiti Teknikal Malaysia Melaka (UTeM)**
14. **Universiti Malaysia Perlis (UniMAP)**
15. **Universiti Malaysia Terengganu (UMT)**
16. **Universiti Malaysia Kelantan (UMK)**
17. **Universiti Malaysia Pahang (UMP)**
18. **Universiti Sains Islam Malaysia (USIM)**
19. **Universiti Sultan Zainal Abidin (UniSZA)**
20. **Universiti Pertahanan Nasional Malaysia (UPNM)**

### Program Pengajian di UiTM

- 1.2 Program pengajian di UiTM hanya terbuka kepada **pemohon berketurunan Melayu, Anak Negeri Sabah, Anak Negeri Sarawak dan Orang Asli Semenanjung** sahaja.
- 1.3 Semua program pengajian di UA lain (selain UiTM) terbuka kepada semua.

## 2. PEMBELIAN NOMBOR UNIK ID

- 2.1 Sebelum mengemukakan permohonan, pemohon dikehendaki membeli Nombor Unik ID di Bank Simpanan Nasional (BSN) terdekat dan kaedah pembelian Nombor Unik ID adalah secara **individu seperti berikut**:
- a) Pembelian mulai **25 Februari 2019 hingga 01 April 2019. Jualan Nombor Unik ID ditutup sehari awal** daripada tarikh tutup permohonan.
  - b) Pembelian secara individu melalui **kaunter BSN, Mesin *Automated Teller Machine* (ATM) dan Perbankan Internet (myBSN)**. Pembelian melalui kaedah *Mesin Automated Teller Machine* (ATM) dan Perbankan Internet memerlukan pemohon/ ibu bapa **memiliki Akaun GIRO BSN**.
  - c) Bayaran pembelian No. Unik ID sebanyak **RM15.60 sahaja**.
  - d) Kad Pengenalan/ MyKad atau salinan Kad Pengenalan/ MyKad pemohon perlu dikemukakan semasa pembelian.
  - e) Pembelian Nombor Unik ID mestilah berdasarkan **Nama dan Nombor Kad Pengenalan/MyKad pemohon**. BSN akan mengeluarkan salinan resit pembayaran bersama-sama dengan Nombor Unik ID.
- 2.2 Jangan **dedahkan** Nombor Unik ID kepada orang lain, kerana ianya adalah **SULIT**.



### 3. e-PANDUAN

- 3.1 Semua program pengajian yang ditawarkan oleh UA bagi Sesi Akademik 2019/2020 boleh didapati dalam e-Panduan dengan melayari pautan URL seperti berikut :-

<https://online.moe.gov.my/upu/epanduan/>

- 3.2 Pemohon hanya pilih *Senarai Program Pengajian Yang Ditawarkan* → *STPM/Setaraf* → Klik butang **MASUK**. Pemohon boleh mendapatkan maklumat program pengajian yang ditawarkan mengikut UA, aliran dan bidang.
- 3.3 Selain daripada senarai program pengajian yang ditawarkan, pemohon juga boleh mendapatkan maklumat berkenaan dengan syarat am dan khas yang telah ditetapkan.

### Syarat Am Kemasukan

- 3.4 Terbuka kepada Warganegara Malaysia dan Penduduk Tetap yang mempunyai No. KP/My Kad sahaja. Bukan Warganegara memohon terus ke UA berkaitan.
- 3.5 Kelayakan

#### **SIJIL PELAJARAN MALAYSIA (SPM)**

Memiliki Sijil Pelajaran Malaysia (SPM) dengan mendapat **kepujian dalam mata pelajaran Bahasa Malaysia/ Bahasa Melayu dan lulus dalam mata pelajaran Sejarah mulai tahun 2013**. Kepujian Bahasa Malaysia/ Bahasa Melayu **kertas Julai diambil kira**;

**ATAU**

#### **SIJIL VOKASIONAL MALAYSIA (SVM)**

**Kesetaraan SVM dengan 3 kredit Sijil Pelajaran Malaysia (SPM)** seperti berikut :

- kepujian Bahasa Melayu 1104;
- PNGK Akademik sekurang-kurangnya 2.00;
- PNGK Vokasional sekurang-kurangnya 2.67;
- Kompeten semua modul vokasional; dan
- Lulus mata pelajaran Sejarah SPM (bagi lulusan SVM kohort 2013-2016)

**DAN**

## **SIJIL TINGGI PELAJARAN MALAYSIA (STPM)**

Mendapat sekurang-kurangnya PNGK 2.00 dengan Gred C dalam 3 mata pelajaran termasuk Pengajian Am;

**ATAU**

## **MATRIKULASI / ASASI**

Mendapat sekurang-kurangnya PNGK 2.00;

**ATAU**

## **SIJIL TINGGI AGAMA MALAYSIA (STAM)**

Mendapat sekurang-kurangnya Pangkat Jayyid;

**ATAU**

## **DIPLOMA/SETARAF**

- a) Mempunyai kelulusan **Diploma UA/ Politeknik/ IPTS, Diploma Kemahiran Malaysia (DKM), Diploma Lanjutan Kemahiran Malaysia (DLKM), Diploma Vokasional Malaysia (DVM) atau Kelulusan lain yang diiktiraf setaraf dengannya** oleh Kerajaan Malaysia dan diluluskan oleh Senat Universiti (syarat khas program mengikut jenis program yang ditawarkan di UA); atau
- b) Lulus peperiksaan **STPM tahun 2017 dan sebelumnya** dengan mendapat sekurang-kurangnya **Gred C (NGMP 2.00) dalam tiga (3) mata pelajaran termasuk Pengajian Am**; atau
- c) **Matrikulasi/Asasi tahun 2017 dan sebelumnya** dengan mendapat sekurang-kurangnya PNGK 2.00; atau
- d) **STAM tahun 2016 dan sebelumnya** dengan mendapat sekurang-kurangnya **Tahap Jayyid**; atau
- e) Lulusan Pra-U Sekolah Sukan Malaysia/GCE *A-Level/ International Baccalaureate Diploma/ Australian Matriculation (AUSMAT)* serta kelayakan lain yang diiktiraf setaraf dengannya oleh Kerajaan Malaysia dan diluluskan oleh Senat UA.

**DAN**

**Mendapat sekurang-kurangnya Tahap 1 (Band 1)** dalam Malaysia University English Test (MUET) mengikut tempoh sah laku (5 tahun) iaitu mulai 01 Januari 2015.

## Syarat Khas

- 3.6 Pemohon perlu memenuhi syarat-syarat khas program pengajian seperti yang dinyatakan dalam **SYARAT KHAS PROGRAM** e-Panduan Permohonan Kemasukan ke UA bagi Program Pengajian Lepas STPM/Setaraf.

## 4 PERMOHONAN

- 4.1 STPM/Setaraf Sesi Akademik 2019/2020 akan disiarkan **pada hari Ahad** sebanyak **dua (2)** kali iaitu pada **24 Februari 2019 dan 24 Mac 2019**.
- 4.2 Permohonan akan **dibuka mulai 25 Februari 2019 jam 12.00 tengah hari** dan **ditutup pada 02 April 2019 jam 11.59 malam**.
- 4.3 Hanya calon yang tamat pengajian sehingga Ogos sahaja yang dibenarkan untuk mengemukakan permohonan kemasukan pelajar. Calon yang belum tamat dan hanya akan tamat pengajian selepas Jun hingga Ogos 2019 boleh mengemas kini tarikh tamat pengajian dan memuatnaik dokumen terkini semasa permohonan rayuan untuk dipertimbangkan.
- 4.4 Pemohon Lepas STPM/Setaraf diwajibkan mengemukakan permohonan kemasukan ke UA hanya melalui Sistem UPUOnline sahaja di <http://upu.moe.gov.my>.
- 4.5 Pastikan sebelum mengisi maklumat dalam UPUOnline, pemohon dinasihatkan membaca terlebih dahulu panduan dan syarat-syarat yang telah ditetapkan bagi mengelakkan pemohon memilih program yang tidak melepasi syarat khas program.

## Kategori Permohonan

4.6 Permohonan kemasukan ke UA bagi Program Pengajian Lepas STPM/Setaraf Sesi Akademik 2019/2020 dibuka untuk kategori berikut :-

Kategori E	Kategori F	Kategori G
Kelayakan Diploma DKM/ DLKM/ DVM/ Lain-lain Diploma :  <b>(E1) - DKM/ DLKM</b> <b>(E2) - DVM</b> <b>(E3) - Diploma LL/                      Diploma ILKA</b>	Kelayakan Setaraf :  <b>(F1) - A-Level</b> <b>(F2) - IB</b> <b>(F3) - Sekolah Sukan</b> <b>(F4) - STPM (Bukan Tahun                      Semasa)</b> <b>(F5) - Matrikulasi KPM/ ASASI</b> <b>(F6) - STAM (Bukan Tahun                      2018 dan 2017</b> <b>(F7) - AUSMAT / SAM/ CPU</b> <b>(F8) - Foundation IPTS</b>	Kelayakan Diploma UA / Politeknik :  <b>(G1) - Diploma UA</b> <b>(G2) - Diploma                      Politeknik</b>

4.7 Pemohon dikehendaki **Daftar Kali Pertama** bagi mengakses UPUOnline untuk permohonan kemasukan ke UA.

4.8 Pemohon wajib memasukkan **enam (6) item** berikut untuk membuat Daftar Kali Pertama :-

- a) No Kad Pengenalan
- b) Alamat E-mel
- c) Nama Ibu
- d) Kata Laluan
- e) Kod Keselamatan
- f) Soalan Keselamatan Profil Akaun

4.9 Pemohon wajib memasukkan **lima (5) item** berikut untuk mengemukakan permohonan kali pertama :-

- a) No. Kad Pengenalan/MyKAD Semasa Pendaftaran Peperiksaan
- b) No. Unik ID
- c) Jenis Permohonan
- d) Program Pengajian
- e) Kategori





Rajah 1 - Carta Alir Permohonan UPUOnline

- 4.10 Sekiranya pemohon telah mendaftar, pemohon boleh login dengan hanya menggunakan Nombor Kad Pengenalan dan Kata Laluan yang telah dimasukkan semasa **Daftar Kali Pertama** dibuat
- 4.11 Terdapat 8 pilihan program pengajian. Pemohon **wajib memilih 5 pilihan** program pengajian yang **berbeza**. Jika berminat dengan program pengajian yang **bertemu duga**, pemohon boleh mengemukakan pilihan pada **Pilihan 1 hingga 4 sahaja**. Bagi **Program Pengajian bertemu duga (Pendidikan)** pada **Pilihan 1-2 sahaja**.
- 4.12 Pemohon **hanya boleh memilih pilihan program pengajian yang dibuka oleh UA mengikut kategori yang telah** ditetapkan oleh UA.
- 4.13 Semua program pengajian yang ada temu duga ditandakan dengan **tanda (#) pada akhir nama program pengajian dalam UPUOnline**.
- 4.14 Maklumat penting yang wajib diisi oleh pemohon ditandakan dengan tanda (\*) dalam borang sistem permohonan kemasukan pelajar. Manakala tanda (\*\*) adalah merujuk kepada wajib mengisi salah satu medan maklumat.
- 4.15 Pemohon Lulusan Diploma/Setaraf wajib memuatnaik dokumen dalam format PDF setelah mengemukakan permohonan/ pengemaskinian maklumat. Dokumen perlu dimuatnaik dalam UPUOnline sebelum atau pada **09 April 2019**. Kegagalan pemohon memuatnaikkan dokumen yang diperlukan boleh menyebabkan pemohon tidak dapat dipertimbangkan kemasukan ke UA. Antara dokumen yang perlu dimuatnaik adalah seperti berikut :-

- **Sijil SPM**
- **Sijil STPM/Setaraf (Jika Berkaitan)**

- **Transkrip penuh Akademik**
- **Diploma/Sijil (Jika Ada);**
- **Surat Pengesahan Tamat Pengajian;**
- **Keputusan Bahasa Melayu / Matematik Julai (Jika ada)**
- **Surat Akreditasi MQA**
- **MUET / IELTS / TOEFL**

## Sah & Hantar

- 4.16 Pemohon **wajib** klik butang “**Sah & Hantar**” bagi memastikan maklumat permohonan telah selamat diterima oleh sistem. Maklumat yang dicetak sebelum klik butang “**Sah & Hantar**” tidak boleh dijadikan sebagai bukti bahawa pemohon telah berjaya mengemukakan permohonan.
- 4.17 Setelah klik butang “**Sah & Hantar**”, pernyataan “**Terima Kasih! Permohonan Anda Telah Selamat Diterima Oleh Sistem**” dan **Slip Permohonan Kemasukan Pelajar** akan dipaparkan dengan maklumat seperti berikut:
- a) Tarikh Permohonan;
  - b) Masa Permohonan;
  - c) Rujukan Permohonan;
  - d) Semua maklumat permohonan yang telah diisi.
  - e) Tarikh kemaskini pilihan program; **BAHARU**
  - f) Tarikh-tarikh penting hebahan temuduga; **BAHARU**
  - g) Tarikh kemaskini Fasa 2 bagi calon Matrikulasi/Asasi. **BAHARU**
- 4.18 Maklumat lengkap permohonan boleh dicetak melalui pautan “Cetak Slip”. Sekiranya pemohon berjaya mengemukakan permohonan, laman ini akan memaparkan **Slip Permohonan Kemasukan Pelajar**.

## Semakan Permohonan

- 4.19 Jika pemohon **tidak menyimpan/ mencetak Slip Permohonan** ketika mengemukakan permohonan kali pertama, maklumat lengkap permohonan boleh dicetak melalui pautan “**SLIP**”. Sekiranya pemohon berjaya mengemukakan permohonan, laman ini akan memaparkan Slip Permohonan Kemasukan Pelajar untuk simpanan dan cetakan.

## Kemaskini Permohonan

- 4.20 Proses kemas kini maklumat permohonan boleh dibuat oleh pemohon selepas berjaya mengemukakan permohonan.
- 4.21 **Proses pengemaskinian** maklumat boleh dilakukan oleh pemohon **tanpa had sehingga tarikh tutup permohonan**. Sebarang pengemaskinian maklumat adalah di bawah tanggungjawab pemohon.

- 4.22 Sekiranya pemohon lupa Kata Laluan yang diisi semasa mengemukakan permohonan bagi tujuan pengemaskinian, pemohon boleh mendapatkan Kata Laluan dengan klik pautan 'Lupa Kata Laluan'. Pemohon perlu menjawab beberapa soalan keselamatan sebelum kata laluan dipaparkan kepada pemohon. Kata Laluan akan dihantar ke emel yang telah didaftarkan.

## 5 PEMROSESAN & PEMILIHAN

- 5.1 Pemohon yang telah memilih program pengajian bertemu duga akan diproses dan dihantar kepada UA untuk pemilihan pemohon yang akan dipanggil untuk menghadiri ujian/ temu duga pada tarikh, masa dan tempat yang telah ditetapkan oleh UA.
- 5.2 **Surat panggilan temu duga akan dikeluarkan oleh UA** melalui laman web masing-masing. Alamat URL UA yang terlibat akan turut dipaparkan di laman web <http://upu.moe.gov.my>.

### Dasar & Kriteria Pemilihan

- 5.3 Dasar pemilihan adalah berasaskan 100% markah akademik.
- 5.4 Kriteria pemilihan kemasukan adalah seperti berikut:-
- a) Memenuhi syarat khas seperti yang ditetapkan oleh UA;
  - b) Telah mengambil MUET dengan mendapat sekurang-kurangnya Tahap 1 (Band 1);
  - c) Lulus temu duga/ujian bagi program bertemu duga/ujian;
  - d) Program pengajian pilihan pemohon mengikut keutamaan; dan
  - e) Bilangan tempat yang disediakan oleh UA.

### Proses pemilihan jaya

- 5.5 Pemilihan dilaksanakan sepenuhnya oleh UA dan penyelarasan adalah berdasarkan keutamaan pilihan.
- 5.6 Pengambilan adalah '*over & above*' bilangan tempat yang disediakan tidak termasuk dalam Lepasan STPM/ Matrikulasi.
- 5.7 Bagi Diploma '*feeder*' dan lulusan lain yang terus ke tahun dua dan seterusnya diuruskan oleh UA sendiri.
- 5.8 Hanya calon yang tamat pengajian dan dianugerahkan diploma oleh Senat UA atau Lulus Penuh yang dikeluarkan oleh Politeknik Malaysia sahaja boleh mengemukakan permohonan kemasukan ke UA secara dalam talian (*online*) melalui BPKP JPT.
- 5.9 Calon yang tamat pengajian sebelum April 2019 akan diproses untuk hebahan pada Ogos 2019.

5.10 Calon yang tamat pengajian selepas April hingga Ogos 2019 boleh mengemaskini permohonan semasa rayuan bagi pemprosesan rayuan yang akan dihebahkan pada September 2018.

## 6 HEBAHAN

6.1 BPKP JPT menggunakan perkhidmatan SMS dan Internet untuk memaklumkan **status permohonan dan keputusan permohonan kemasukan ke UA.**

6.2 Hebahan Status Keputusan Permohonan dijangkakan akan diumumkan pada **Minggu Ke-4 Julai 2019 (Tentatif)** melalui saluran hebahan seperti berikut:

a) Internet

- <https://jpt.utm.my>
- <http://jpt.uum.edu.my>
- <https://jpt.unimas.my>
- <http://jpt.ums.edu.my>
- <https://jpt.umt.edu.my>

b) **HOTLINE UPU : 03-8870 8200**

c) **SMS 15888**

6.3 Maklumat lanjut dan sebarang pertanyaan boleh hubungi BPKP JPT di alamat dan talian seperti berikut :-

**Bahagian Pengurusan Kemasukan Pelajar  
Jabatan Pendidikan Tinggi,  
Kementerian Pendidikan Malaysia  
Aras 4, No. 2 Menara 2, Jalan P5/6, Presint 5  
62200 W.P. Putrajaya  
(03) 8870 6767, (03) 8870 8200  
<http://upu.moe.gov.my>.**

**Laman Sosial :**



@KEMASUKANBPKP



@TWT\_UPU



KEMASUKAN BPKP JPT



<http://upu.moe.gov.my/web/>

## Surat Tawaran

- 6.4 Pemohon hanya akan ditawarkan program pengajian dalam pilihan sahaja (Pilihan 1-8). Sekiranya calon gagal ditawarkan, calon boleh mengemukakan rayuan melalui UPUOnline dengan memilih program pengajian yang layak dan mempunyai kekosongan tempat sahaja
- 6.5 Surat tawaran rasmi akan dikeluarkan oleh UA mulai **sehari selepas keputusan permohonan diumumkan** melalui laman web UA masing-masing.
- 6.6 Pemohon dikehendaki membuat pengesahan setuju terima tawaran melalui Laman Web UA dalam **tempoh tujuh (7) hari** selepas keputusan permohonan diumumkan. Surat Tawaran hanya akan dikeluarkan selepas pemohon membuat pengesahan setuju terima tawaran UA tersebut.
- 6.7 **Tawaran adalah muktamad.**

## 7 RAYUAN

- 7.1 Hanya pemohon yang **GAGAL mendapat tawaran ke UA** sahaja yang boleh mengemukakan permohonan rayuan.
- 7.2 Permohonan rayuan hanya dalam **tempoh 10 hari** selepas keputusan permohonan kemasukan ke UA diumumkan.
- 7.3 Pemohon dibenarkan mengemukakan **EMPAT (4)** pilihan program pengajian semasa mengemukakan permohonan rayuan. Pemohon dibenarkan membuat pengemaskinian tanpa sebarang had sehingga tarikh tutup permohonan rayuan.
  - i. Penawaran calon rayuan dibahagikan kepada **dua (2) fasa** iaitu Sebelum pendaftaran pelajar baharu; dan
  - ii. Selepas pendaftaran pelajar baharu
- 7.4 Pilihan program pengajian yang dipaparkan adalah **program pengajian yang ada kekosongan sahaja**.
- 7.5 Keputusan rayuan 1 akan diumumkan sebelum pendaftaran pelajar baharu dan calon yang masih gagal akan dipertimbangkan kemasukan untuk rayuan 2, bergantung bilangan kekosongan tempat yang ada selepas pendaftaran pelajar baharu.
- 7.6 Objektif penawaran calon rayuan sebanyak 2 fasa adalah untuk :-
  - i. Memastikan calon ditawarkan dengan program pengajian yang dipilih dan diminati sahaja. Tiada istilah pertimbangan setara/lelong; dan
  - ii. Calon mendapat keputusan rayuan fasa 1 dengan lebih cepat dan mendaftar bersama-sama dengan calon ambilan pertama.
- 7.7 Pemilihan bagi permohonan rayuan adalah untuk mengisi kekosongan tempat yang berlaku selepas pendaftaran pelajar baharu di UA.



## 8 TARIKH-TARIKH PENTING

- 8.1 Berikut adalah tarikh-tarikh penting yang berkaitan dengan permohonan kemasukan ke UA Bagi Program Pengajian Lepasan STPM/ Setaraf Sesi Akademik 2019/2020 :-

	Tarikh
Siaran Iklan	24.02.2019 & 24.03.2019
Jualan No. Unik ID	25.02.2019 hingga 01.04.2019
Permohonan	25.02.2019 hingga 02.04.2019
Tarikh Akhir Upload Dokumen	09 April 2019
Semakan Panggilan Temu Duga (Bukan Pendidikan) dan Ujian MEdSI	Minggu Ke-2 Mei 2019 *
Semakan Panggilan Temu Duga (Pendidikan)	Minggu Ke-3 Jun 2019 *
Hebahan Keputusan	Minggu Akhir Julai 2019
Permohonan Rayuan	Minggu Akhir Julai 2019 (Rayuan dalam tempoh 10 hari)
Tarikh Akhir Upload Dokumen (Rayuan)	2 hari selepas permohonan rayuan ditutup
Hebahan Keputusan Rayuan 1	Minggu Akhir Ogos 2019
Hebahan Keputusan Rayuan 2	Minggu Ke-3 September 2019

\* Tertakluk kepada UA berkaitan

